

知迷

向上玄關未易知，襄城七聖亦生疑。日新何必師童子，拜謝歸來更是誰。

自得

透脫希夷向上關，巨初靈物坐虛閒。閒中自得真遊戲，天闕渾無處處安。

一氣

通融一氣白如如，無有相資混太虛。撥轉玄關得真息，四生咸共入無餘。

心田

道藏輯要
雲山集
辛
易集六
剪除荆棘樹芝蘭，固蒂靈苗子細看。功滿白牛眠露地，月明風裏主人閒。

心花

大化不能拘束得，聯芳惟許自由開。一枝亘古新傳授，馥郁香風遍九垓。

心符

魔魅勦除無足跡，縱橫馳騁大神通。提綱振領閒呈似，萬聖羣真立下風。

心月

掃盡纖塵萬籟沉，停停寒色印天心。舉頭即見家家在，無數空